

## **Dipotso tse botswang kgafetsa mabapi le Bohato ba ho Fetola Maemo Tsosolosong ya Sekolo (*Renaissance Charter School*) se Ikemetseng sa Setjhaba**

### **Bohato ba ho Fetola Maemo Tsosolosong ya Sekolo se Ikemetseng sa Setjhaba ke eng?**

Bohato ba ho Fetola Maemo Tsosolosong ya Sekolo se Ikemetseng sa Setjhaba ke karolo ya bohlokwa ya mosebetsi o tswelang pele wa Sekolo sa Setereke wa ho kgetholla dikolo tse sa etseng hantle le ho di “fetola” ho ba dikolo tse etsang hantle haholo – ka ho kenya letsoho le tshehetso ya batswadi, balekane ba setjhaba le bankakarolo ba selehae. Sena ke selemo sa bone sa bohato bona.

### **Hobaneng sena e le sa bohlokwa?**

Ho sa tsotellehe maiteko a mangata ka nako e telele, sekolo sa hao se tswela pele ka ho se etse hantle tshibetsong ya sekolo le mathata a tswelang pele a boemo ba sekolo le bana ba sa tlang sekolong. Setereke se ntse se sebetsana le ho kgetholla baetapele ba sekolo ba nang le rekoto e ntle ya ho fetola dikolo tse sa etseng hantle ka katleho le ho tsamaisa dikolo tse sebetsang hantle haholo bakeng sa ho tataisa phetoho ya dikolo tsena.

### **Na sekolo sa ngwana wa ka se tla kwalwa?**

Tjhe, sekolo sa ngwana wa hao se ka se kwalwe. Sekolo se tla tswela pele ho sebetsa jwaloka sekolo sa tikoloho, se tla nne se sebeletse bana ba tswang tikolohong yeo, empa ka tlasa boetapele bo botjha ba sekolo.

### **Na ngwana wa ka a ka ya sekolong sa hae sa hona jwale hang ha e ba Tsosoloso ya Sekolo sa Setjhaba?**

Ee. Baithuti ba hona jwale **ba tiisetwa** hore ba tla ngodiswa Sekolong sa Tsosoloso sa Setjhaba.

### **Pakane ya bohato bona ke efe?**

Re batla ho ntlafatsa ka potlako menyetla ya thuto bakeng sa baithuti bao hajwale ba kenang dikolo tse sa etseng hantle. Pakane ya rona ke ho fetola dikolo tsena hore e be dikolo tse etsang hantle haholo tse sebeletsang baithuti ba tswang tikolohong.

### **Sekolo se tla fetoha jwang ka lebaka la bohato bona ba ho fetola maemo.**

Ho tla ba le diphetoho tse kgolo sekolong sa hao ho tloha ka selemo sa sekolo sa 2013-14. Diphetoho tsena di ka nna tsa kopanyelletsa le letsatsi le leteletsana la sekolo le selemo se seteleletsana sa sekolo, ho ntlafatsa lenaneo la thuto, mananeo a matlafatsang moithuti e motjha nakong ya sekolo le kamora sekolo, le diphetoho tse ding lenaneong la amanang le thuto le tikoloho ya sekolo. Dikolo tsa Tsosoloso ho ka etsahala di bone diphetoho ho basebeletsi ba sebetsang sekolong. Ho itshetlehile ka diphetho dilemong tsa pele tse tharo tsa Bohato ba ho Fetola Maemo Tsosolosong ya Sekolo se Ikemetseng sa Setjhaba, setereke se lebeletse hore diphetoho tsena di tla fana ka maphomela a bonahalang le a ka lekgangwang bakeng sa sekolo.

### **Ngwana wa ka o na le ditlhoko tse kgethehileng mme o ngodisitswe tlaseng ya Lenaneo la Sebaka (tshehetso ya autistic, Bokgoni ba Bophelo kapa tshehetso ya maikutlo). Ke eng se tla etsahala ditlaseeng tsena ka selemo se tlang?**

Mananeo a Sebaka kaofela a tla dula a le teng sekolong mme ngwana wa hao o tla tswela pele a fumana ditshebetso tse loketseng. Dikolo tsa *Renaissance Charter School* ho hloka hore di fane ka thuto ya mahala, le e loketseng bakeng sa setjhaba ho baithuti kaofela ba nang le ditlhoko tse kgethehileng tsa thuto.



## **Na Renaissance Charter School e tshwana le sekolo sa Education Management Organization (EMO)?**

Tjhe, Ka tlasa mohlala wa sekolo sa *Renaissance Charter School*, Sehlopha se Fetolang Boemo (*Turnaround Team*) se metjhang le sekolo sa ngwana wa hao ba tla ba le tokoloho e atolositsweng ho kenya tshebetsong mananeo a atlehileng. Ka tlasa mohlala wa EMO, ditshobotsi tsa bohlokwa tsa bolaodi ba sekolo bo tla dula ka tlasa taolo ya Setereke.

### **Turnaround Team ke eng?**

*Turnaround Team* ke motsamaisi wa sekolo ka ntle ho Setereke sa Sekolo. Setereke sa Sekolo se sebedisa tshebetso ya tlhodisano ho kgetholla di *Turnaround Team* tse nang le bokgoni tse tla metjhiswa le dikolo tsa *Renaissance Charter School*. E tla ba bakopi ba nang le rekoto e ntle ya ho fetola dikolo tse sa etseng hantle le ho tsamaisa dikolo tse etsang hantle ba tla tshwaleha ho metjhiswa. Ho tla etswa tsebiso ka March 22 ya di *Turnaround Team* tse tla metjhiswa le dikolo.

### **Na ho tla ba le diphetoho ho basebetsi ba hona jwale sekolong sa ngwana wa ka?**

*Turnaround Team* e tla etsa qeto ya basebetsi ba sekolo. Dikolo tsa *Renaissance Charter School* di ka nna tsa ba le mesuwe-hlooho, matijhere le basebeletsi ba dulang sekolong.

### **Batswadi le ditho tsa setjhaba ba tla ba le seabo jwang tshebetsong ena.**

Batswadi le ditho setjhaba ba ka bapala karolo ya bohlokwa tshebetsong ya ho fetola dintho. *School Advisory Council* (SAC) sekolong ka seng, e entswe ka batswadi le ditho tsa setjhaba, e tla ikarabella bakeng sa ho hlahloba di *Turnaround Team*, e tla bokella maikutlo a tswang setjhabeng sa sekolo le ho etsa ditshisinyo tsa Setereke mabapi le di *Turnaround Team* tse finyellang ditlhoko tsa setjhaba sekolo. Kamora hore sekolo se fetolwe ho ba *Renaissance Charter School*, SAC e tla thusa ho disa tswelo pele ya *Turnaround Team* ho fetoleng sekolo le ho etsa ditshisinyo Seterekeng mabapi le hore na *Turnaround Team* e lokela ho dula e le teng. Baemedi ba Setereke ba tla ba saeteng ya sekolo sa hao dibekeng tse latelang ho abelana ka lesdi le eketsehileng mabapi le SAC, ho araba dipotso le ho o kgothalletsa hore o nke karolo!

### **O tla tseba jwang haeba sekolo sa Renaissance Charter School se ya atleha?**

*Renaissance Charter School* e tla hloka hloka ho finyella ditekanyetso tsa tshebetso tse boima, ho kopanyelletsa le dipakane tse tobileng bakeng sa katleho e amanang le thuto le boemo ba sekolo, le keketseho ya bana ba yang sekolong le matla o ho boloka ka kelellong ha baithuti. Dipakane tsena di tla tsebiswa setjhaba mme di tla behwa leihlo ke Setereke. Lesedi le mabapi le hore *Renaissance Charter School* le finyella dipakane tsa lona le lona le tla tsebiswa setjhaba. Tokomane ya tumellano e pakeng tsa Sekolo sa Setereke le *Turnaround Team* e tla theha maphomela a hlakileng a ho hloleha ho finyella dipakane tsa tshebetso.

### **Ke eng se tla etsahala haeba sekolo sa Renaissance Charter School se sa sebetse?**

Haeba Setereke se hlokomela hore sekolo sa *Renaissance Charter School* ka ho tswelang pele se hloleha ho finyella dipakane tsa tshebetso, Mookamedi a ka nna a sisinya hore Khomishene ya Phetoho ya Sekolo e nke sebaka sa *Turnaround Team* kapa ho kgutlisetsa sekolo ho bolaodi ba Setereke.

### **Ke eng se tla etsahala kamorao ha ho fela ha selemo sa sekolo sa hona jwale?**

*Turnaround Team* e tla kena sekolong hanghang kamora letsatsi la ho qetela la sekolo ka June. Ka nako ya selemo, basebetsi ba tla kwetliswa, ho tla phethelwa mananeo a thuto le mananeo, disebediswa di tla ntlafatswa, setjhaba se tla ba le seabo le sekolo se tla ba malala-a-laotswe bakeng sa baithuti ba kgutlang ka hwetla.



**Ke na le dikgetho dife haeba ke sa batle hore ngwana wa ka a kene sekolo sa setjhaba (*charter school*)?**

Re tshepa hore o tla thaba ka tsela yeo *Renaissance Charter School* e tla fetola maemo ka teng sekolong sa ngwana wa hao. Ho fihla nakong ena, dipetho tsa bohato ba ho fetola boemo di ne di kgothatsa haholo ha re tla tabeng ya ho ntlafatsa katleho e amanang le thuto ya baithuti le ho etsa hore maemo a sekolo e be a kgothatsang dikolong tse ngata haholo. O ka nna wa “ikgula” bakeng sa *Renaissance Charter School* mme wa ngodisa ngwana wa hao sekolong se seng sa Setereke. Bonyane ha sekolo se le seng se “ikgula” se tla kgethollwa bakeng sa sekolo ka seng sa *Renaissance Charter School*.

**Batho ba bang ba re dikolo tsa di charter school di “ntshetsa kante” baithuti ba kenang mathateng. Na sena se ka etsahala sekolong sa ngwana wa ka?**

Dikolo tsa *Renaissance Charter Schools* di sebetsa ka thata ho ntlafatsa boemo ba sekolo le ho beha ditebello tse phahameng bakeng sa boitshwaro ba baithuti, empa hape ho hloka hore di latele Khoutu ya Sekolo sa Setereke ya Boitshwaro ba Moithuti. Baithuti le batswadi dikolong tsa *Renaissance Charter School* ba na le tokelo ya tshebetso e beilweng ho Khoutu ya Setereke ya Boitshwaro ba Moithuti.

**Ke eng se tla latela tshebetsong?**

Basebeletsi ba Setereke ba tla tla sekolong sa hao bekeng ena ho araba dipotso tsa hao le ho abelana lesedi le eketsehileng mabapi le tshebetso ya ho fetola maemo, hobaneng sekolo sa ngwana wa hao se kgethilwe, le karolo ya bohlokwa ya setjhaba sa sekolo ho fetoleng maemo. Ba tla ba teng mabaleng a sekolo sa hao bekeng e latelang ho araba dipotso tse eketsehileng le ho kgothatsa batswadi le ditho tsa setjhaba ho nka karolo ho *School Advisory Council (SAC)*. Ka SAC, Setereke se tla sebetsa le batswadi le ditho tsa setjhaba ho kgetha di dihlopha tse fetolang maemo tse ileng tsa iketsetsa rekoto e ntle ya ho tsamaisa dikolo tse etsang hantle haholo. Metjhe pakeng tsa sekolo sa ngwana wa hao le *Turnaround Team* o tla ba teng bofelong ba April kapa qalong ya May.

**Nka fumana lesedi le eketsehileng jwang ka Bohato ba ho Fetola Maemo a Tsosoloso ya Dikolo tsa Setjhaba?**

Bakeng sa lesedi le eketsehileng, ka kopo etela webesaete ya dikolo tsa *Renaissance School* ho [www.philasd.org/renschools](http://www.philasd.org/renschools), letsetsa Tsosoloso ya Sekolo Batswadi le Setjhaba mohaleng wa mahala ho (215) 400-5995, kapa romela imeili ho [renschoolparents@philasd.org](mailto:renschoolparents@philasd.org). O ka nna wa ikopanya le Mofuputsi wa Motswadi sekolong sa hao.

